

Abonnement pour un an
300 piastres

Edition spéciale 500 piastres

Adresse:

"IDJTihad", Constantinople

Téléph. St. 865

XXIème ANNÉE

15 Décembre 1925—No 194

اجتهاد

فلسفی ، اجتماعی ، ادبی ، اقتصادی مجموعہ

آبوعمان : سنہ لکی [۲۴ نسخہ]
تورکیا ایچون ۲ ، خارج ایچون
۳ ، اعلا کاغذیسی ہ لیرادر .

ادارہ خانہ سی :

جفال اوغلندہ « اجتهاد نھوی »

تلفون : استانبول ۸۶۵

یکرمی برنجی سنہ

نومرو ۱۹۴-۱۵ کانون اول ۹۲۵

نشانه یوزوکیک تاریخی

بشیرتک مائسز کونی اولمادیکی کبی دوکونسز کونی ده اولماق اعتبارله ، افکار عمومی بی هر زمان علاقه دار ایدن شیردن بری ده هیچ شبهه سز نشان یوزوکی دینلن اوساده و دوز حلقه دره رابطه زوجیت اشارت اولق اوزره بویه برحلقه طاقیاماسی پک اسکیدن قاله برعادتدر . بونکله برابر ، نشان یوزوکی بوکون اولدیگی کبی هر زمان بسط بر آلتون حلقه دن عبارت قالامشدر : مختلف زمانلرده و مختلف مملکتلرده مختلف شکلر و مختلف جسامتلر آلمش ، بعضاً ذی قیمت طاشلرله تزین ایدلش و حتی بعض مملکتلرده بو طاشلرک اوزرینه مهر تشکیل ایده جک صورته اسملر ، آرمالر و عباردلر بیه حک ایدلشدر .

بوکون نشان یوزوکیک بری بالخاصه آلك دردنجی پارماغیدر . فرانسه ده نشان مراسمنده بزده اولدیگی کبی حلقه طاقیلماز : یالکسز اوزک مستقبل زوجیه سینه طاشلی بر یوزوک تقدیم اتمکله اکتفا ایدر و حلقه ازدواج علامتی اولارق دوکون کونی طاقیلر ؛ مختلف آلمان مملکتلرنده ایسه ، تورکیه ده اولدیگی کبی ، آلتون حلقه نشان علامتی تشکیل اتمکده در . آلمانلر آلیانس حلقه سنی صاغ آلترینه طاقق اعتیادنده درلر . بزم آنادولوده نشان یوزوکی عادی پک یکی اولوب آنادولو تورکری نشانلانیرکن ، مستقبل زوجیه بیه یی برلکر والبسه لکر کونده درلر .

درزیرک دینی

سوریه ده فرانسلرله بوغوشوب دوران درزیرک مذهبی حقدنه بزده پک آزرکیسه نك معلوماتی واردر ؛ بناء علیه بو خصوصده شو مختصر ایضاحاتک اعطاسنی فائده دن خالی کورمیسورز : درزیرک مذهبی ، محاط اولدقلری مختلف ملتلردن هیچ برینک دین و مذهبه بکزه مز ، نوعی شخصه منحصر برشیعه مذهبیدر ، بو مذهب ، ادیان و مذاهب متقدمه اساسات و عباداتک تحف برخلیطه سی ماهیتنده در . ادعای الوهیت درجه لینه وارن ملوک فاطمیه دن حاکم باهرالله طرفندن احداث ایدیلن بو مذهب ، مصرده تأسیس ایدلش اولوب حاکم قتل اوزرینه اونک طرفندن وظیفه نشر ایله توظیف ایدلش اولان ایکی تورک طرفندن توسیع ایدلشدر . بونلردن نشتکین درزی اسمنده کی بویوک مرید ، مصردن فراره مجبور اولارق سوریه کچمش و اوراده کی داغلی قبائله نشر دین ایتدیکنندن بو قبیله لر درزی نامنی آلمشدر . درزیرلر ، انسانلره تام اون دفعه تظاهر ایتش تک بر الاهی ایمان ایدرلر . بو الاهی اوصاف میزدسی : اراده ، قوت و قدرت و عدالت اولوب بونلرک مستقلاً موجودیتلری واردر . بو اوصاف الاهی [عالی] و [عادی] اولق اوزره ایکی قسمه آریلیر : عالیر دینک احکام اساسیه سی و عادیلرده اعزه و اولیا شکیلنده تظاهر ایدر . درزیرلر ، ارواحک الله طرفندن محدود و معدود اولارق خلق اولوندیغنی قبول ایتدیکنلردن تناسخه ، یعنی بر روحک وجوددن وجوده انتقال ایتکده اولدیغنه قانعدرلر . بر جزای

الاهی به کسب استحقاق ایدن انسانلر ، روحلرینک کندیلرندن دها عادی آدملرک وجودلرینه انتقال ایتسنه محکوم اولورلر . بو دین انسانلرک اراده جزیه سنی بر اساس اولارق قبول ایتش اولدیغندن اوامر الاهی آنجیق وصایا ماهیتنده در . اخلاق اساساتنه نظراً ، بر دیندائی تولدیرمک ویا مالی چلق ممنوع ایسه ده باشقه بر دین سالکنی کیزلیجه قتل ایتک ، بر درزی ایچون مغفرت ذنوبی مستلزمدر .

عائله اسملرینک منشأری

معارف وکالتی بوندن صوکره مکتبلرده عائله اسملرینک اساس اتخا ایدلسنه قرار ویردی ؛ شرقک و غربک مسلمان و خریستیان بوتون ملتلی ذاتاً من القیم عائله اسمنه اعتبار ایدرلر ؛ حتی آنادولوده بیه عائله اسملری حالا مستعملدر . بو سببله یالکسز استانبول و ادرنه حوالیسندنکی عائله لر کندیلرینه اسم بولق خصوصنده مشکلاته معروض اولاجقلر دیمکدر . بز ایشته تورک لرله فرانسزلرده عائله اسملرینک نه صورتله تشکی ایتش اولدیغنی بو مناسبتله کوزدن کچیرمک ایستیورز :

تورکلرده عائله اسملری باشلیجه درت اصلدن توره مشدر ؛ بونلرک برنجیسی جداعلا اسمیدر ؛ بالخاصه سلجوق ، منکوجی ، دانشمندی ، قره مانلی ، کرمانلی ، عثمانلی ، یایزید اوغلاری ، ذوالقدر اوغلاری ، اسفندیار اوغلاری کبی بویوک خاندان اسملری هب جداعلا اسمندن اشتقاق ایتشدر ؛ بونکله برابر خلق آراسنده ده حاجی حسن اوغلاری ، قره ممش اوغلاری کبی اجداد اسمنه مستند عائله اسملری واردر ؛ آنجیق بو صورتله اسمی قوللانیلجق بویوک جدک هر حالده دده دن یوقاری ، یعنی برقاچ بطن اولکی بر جد اولسی تعامل و عرف و عادت ایجابیدر . ثانیاً ، مساک اساسنه مستند عائله اسملری واردر : دمیرجی اوغلی ، طاشجی اوغلی ، حافظ اوغلی ، چیلینکی اوغلی ، قاضی اوغلی ، قصاب اوغلی و سائره کبی صنعت و مسلک اسملری هب بو زمره یه داخلدر ؛ بوکبی اسملر دده مسلکندن ده اقتباس ایدیله بیلیر . ثالثاً ، اجداددن برینک علامت فارقه ثابته سینه مستند عائله اسملری ده واردر : مثلاً روایته نظراً جدلری پک شیشمان اولوب متادیا ترله دیکسندن دولای بو اسمی آلان علی اوغلاری و صوکره کور اوغلی ، صاغیر اوغلی ، اوزون اوغلی ، طوپباش اوغلی ، قولاقسز اوغلی کبی اسملر هب بو قبیله در . رابعاً ، قوتلی حیوان اسملرینه مستند عائله اسملری ده واردر : قورد اوغلی ، اوکوز اوغلی ، قره طای اوغلی ، شاهین اوغلی کبی اسملرده بو صوکره قسمه داخلدر . بونلردن باشقه مثلاً طوماتس اوغلاری کبی سیره و نبات اسمی طاشیان و بوتقسیماته داخل اولمایان متفرق و مختلف عائله عنوانلری ده واردر .

فرانسز عائله اسملری ده منشأری اعتبارله پک شایان دقتدر : زادکان طبقه سنک عائله اسملری ، بزده کینک عکسنه اولارق ، هب اجرای حکومت ایتدیگری برلره عائله جنرافائی اسملردر و بو اسملری حالا محافظه ایتکده درلر . اورته و آشاغی طبقه لره ککنجه ،